

**OFISI YA RAIS – TAMISEMI
HALMASHAURI YA JIJI LA DODOMA
SHULE YA SEKONDARI YA WASICHANA MSALATO**



S. L. P. 933, DODOMA. SIMU NA. 0754615438/ 0685516117, 0764317021.

Kumb. Na. MG/F/3/VOL.2/F.I

Mpendwa Mwanafunzi:-

Anwani: c/o(Mzazi/ Mlezi), S. L. P.....

**YAH: MAAGIZO YA KUJIUNGA NA KIDATO CHA TANO SHULE YA SEKONDARI YA MSALATO
KATIKA HALMASHAURI YA JIJI LA DODOMA MWAKA 2021/2022**

1.0 PONGEZI NA KARIBU: Kwa niaba ya jamii nzima ya Shule ya Sekondari ya Msalato, nakupongeza sana kwa kuchaguliwa kujiunga na shule yetu. Kwa pamoja tunakukaribisha sana. Yafuatayo ni maagizo ya kujiunga na shule hii.

2.0 MAELEZO YA KUFIKA SHULENI: Shule iko kilomita kumi; kaskazini mwa mji wa Dodoma, ukifuata barabara iendayo Kondoa. Usafiri wa daladala unapatikana kituo cha daladala cha saba saba. Nauli ni sh. 500/= tu. Usafiri huu unaishia saa 12.00. Kwa taksi nauli haizidi shilingi 15,000/=. Ukikwama piga simu hiyo hapo juu kwa ushauri na maelekezo zaidi.

3.0 SIKU YA KUFUNGUA SHULE: Fika shuleni tarehe bila kukosa. Ukishindwa kufika baada ya wiki mbili utapoteza nafasi yako bila ridhaa yako. Endapo hutapenda kujiunga na shule hii toa taarifa ya maandishi ndani ya hizo wiki mbili. Hali kadhalika, epuka usumbufu kwa kufika shuleni hapa kwa **nyaraka na jina la mtu mwingine!** Njoo na barua hii kwa utambulisho. Omba kuonana na mwalimu wa zamu ambaye atakupokea na baadae kukuelekeza kwa 'boarding master' wa shule kwa ajili ya kukabidhi vifaa vilivyoelekezwa hapa chini.

4.0 MAHITAJI MUHIMU YA SHULE: Mzazi/Mlezi anatakiwa kuchangia huduma za elimu kwa ajili ya mahitaji kadhaa kwa ajili ya matumizi binafsi ya mwanafunzi awapo hapa shuleni.

A: Matumizi Binafsi na Usafi :- Vifaa hivi nunua..

4.1 Shati 2 nyeupe zenye mikono mifupi na mfuko upande wa kushoto

4.2 Sketi 2 vazi rasmi la darasani bluu bahari yenye marinda yanayoangalia upande mmoja na yanayolingana kati ya 13 – 15, **na iwe ndefu kufikia kifundo cha miguu.**

4.3 Sketi 2 vazi la nje ya darasa damu ya mzee (maroon) mshono wa ndoo (mshono wa solo ambayo siyo pana sana). **Na iwe na urefu kufikia kifundo cha miguu** (Karibu na unyayo).

4.4 T-sheti 2 vazi la nje ya darasa yenye shingo ya mviringo rangi ya kijivu au nyeupe iliyo na nembo ya Shule/**atanunua Shuleni.**

4.5 Sweta 1 jeusi lenye shingo ya V mbele

4.6 Tai ndefu ya pundamilia yenye rangi ya kitambaa cha Shule (**atanunua Shuleni**)

N.B. Kwa Waislamu: - Pamoja na maelekezo (i) – (iii) hapo juu pia awe na:-

(i) Hijabu ya darasani na Juba isiyo na marembo yoyote

(ii) Hijabu ya nje ya darasa damu ya mzee (maroon) na Juba maroon.

(iii) T – sheti 2 vazi la nje ya darasa yenye shingo ya mviringo rangi ya kijivu iliyo na nembo ya Shule (atanunua Shuleni)

(iv) Sweta 1 jeusi lenye shingo ya V mbele

NB : Ni marufuku kuja na nguo za nyumbani, akija nazo zitateketezwa. Pia mwanafunzi atarudishwa nyumbani mara moja endapo atakiuka kipengele hiki.

5.0 Ada na michango ya shule

- a) Ada ya shule kwa mwaka ni **shilingi 70,000/= kwa mwaka**, Mzazi/Mlezi anaweza kulipa shilingi **35,000.00** kwa **muhula** au kulipa ada yote kwa mara moja.
Fedha hizo za ada zilipwe kwenye akaunti ya shule
Jina la Akaunti – **MSALATO SEC. RUZUKU ACCOUNT**
Namba ya Akaunti – **50501100161**
Benki ya **NMB**. (Tafadhali andika jina la mwanafunzi kwenye pay in slip).
- b) **Michango inayotakiwa kulipwa na kila mzazi ni:-**
(i) Shilingi 10,000/= kwa ajili ya ukarabati wa samani.
(ii) Shilingi 10,000/= kwa ajili ya kitambulisho, nembo na picha.
(iii) Shilingi 30,000/= kwa ajili ya kuwalipa wapishi, walinzi na vibarua wengine.
(iv) Shilingi 10,000/= kwa ajili ya huduma ya kwanza (Wanafunzi waje na kadi ya Bima ya Afya NHIF)
(v) Shilingi 25,000/= Mitihani ya kujipima mock
(vi) Shilingi 20,000/= kukodisha godoro kwa mwaka.
(vii) Fedha ya tahadhari 5,000/= (**haitarejeshwa**)
Michango mingine ilipwe kwenye akaunti hii;
Jina la Akaunti – **MSALATO GENERAL ACCOUNT**
Namba ya Akaunti – **50502800001**
Benki ya **NMB** (Tafadhali andika jina la mwanafunzi kwenye pay in slip).

Angalizo: Jumla ya **ada na michango** ni **180,000/=**

- c) **Mahitaji muhimu ambayo mwanafunzi anapaswa kuleta shuleni ni:-**
(i) Ream ya karatasi 2 (kwa mwaka)
(ii) Mwanafunzi anashauriwa kuja na hela kwa ajili ya ununuzi wa vitabu vya masomo ya tahasusi husika baada ya kupata ushauri wa mwalimu wa somo husika
(iii) Dissecting kit kwa wanafunzi wa Biolojia
(iv) Scientific calculator
(v) Godoro atapata shulenikama ilivyooneshwa kipengele **5 b)** (vii)
(vi) Mashuka jozi 2 (pink), Blanketi 1, Foronya 1, Chandarua 1 yenye ukubwa wa futi 3 au 4 ya square ambayo ni nyeupe, Taulo na jozi moja ya Khanga/Kitenge. (**Nguo nyingine zisizo sare ya shule haziruhusiwi**)
(vii) Vyombo vya chakula (Sahani, Bakuli, na Kikombe visiwe vya plastiki, Kijiko na chombo safi cha kuhifadhia maji ya kunywa.
(viii) Ndoo mbili ndogo zenye mifuniko
(ix) Jjembe 1 na mpini wake, Reki 1, mifagio ya ndani na nje pamoja na “Moper”.
(x) Aje na sabuni za kuogea na kufulia, Mswaki na dawa ya meno, mafuta ya kupaka, Losheni, Pedi za kike, skin taiti, Sidiria iwe nyeupe au nyeusi tu.
(xi) Sanduku la chuma (Tranka) , Tochi na Betri au Tochi ya Sola.

6.0 MAKOSA YATAKAYOSABABISHA MWANAFUNZI KUFUKUZWA SHULE MARA MOJA

- (i) Wizi.
(ii) Kutohudhuria masomo kwa zaidi ya siku 90 bila taarifa.
(iii) Kugoma na kuhamasisha mgomo.
(iv) Kutoa lugha chafu kwa wanafunzi wenzake, walimu/ walezi na jamii kwa jumla.
(v) Kupigana mwafunzi kwa mwanafunzi, kumpiga mwalimu au na mtu yeyote yule.

- (vi) Kusuka nywele kwa mtindo usiokubalika. Wanafunzi wote wanatakiwa kuwa na nywele fupi wakati wote wawapo shuleni au kusuka kwa mtindo wa ususi uliokubalika na uongozi wa shule.
- (vii) Ulevi au unywaji wa pombe na matumizi ya madawa ya kulevya.
- (viii) Uvutaji wa sigara.
- (ix) Uasherati, uhusiano wa jinsia moja, kuo au kuolewa.
- (x) Kupata ujauzito au kutoa mimba
- (xi) Kushiriki matendo ya uhalifu, siasa na matendo yoyote yale yanayovunja sheria za nchi
- (xii) Kutembelea majumba ya starehe na nyumba za kulala wageni awapo katika mazingira ya shule.
- (xiii) Kumiliki, kukutwa au kutumia simu ya mkononi katika mazingira ya shule
- (xiv) Kudharau Bendera ya Taifa
- (xv) Kufanya jaribio lolote la kujiua, au kutishia kujiua kama kunywa sumu n.k.
- (xvi) Uharibifu wa mali ya umma kwa makusudi.
- (xvii) Kutembelea nyumba za watumishi bila kibali toka kwa **Mkuu wa Shule**.
- (xviii) Utoro – Kutoka nje ya shule bila kibali/ruhusa

7.0 VIAMBATISHO NA FOMU MUHIMU

- (a) Fomu ya Uchunguzi wa Afya (Medical Examination Form) ambayo itajazwa na Mganga Mkuu wa hospitali ya serikali. (imeambatishwa ukurasa wa 6)
- (b) Fomu ya maelezo binafsi kuhusu historia ya mwanafunzi/ mkataba wa kutoshiriki katika mgomo, fujo na makosa ya jinai. (mkataba huu utapatikana shuleni)
- (c) Fomu ya mzazi kukiri kukubaliana na sheria, kanuni, kulipa ada, michango na maelekezo mengine yatakayotolewa na shule. (imeambatishwa ukurasa wa 5)
- (d) Picha nne (4) za Wazazi na Ndugu wa karibu wa mwanafunzi wanaoweza kumtembelea mwanafunzi shuleni pamoja na namba zao za simu

MUHIMU

8.0 Baada ya kupakua (download) fomu hii, tafadhali jaza jina la mwanafunzi na anwani yako pamoja na tahasusi aliyochaguliwa kusomea hapa Sekondari ya Msalato. Hakikisha unajaza tahasusi (combination) aliyopangiwa na serikali. Taarifa hizi zijazwe kwenye ukurasa wa kwanza.


9.0 Mwanafunzi atakaporipoti shuleni aje na fomu hii pamoja na **result slip ya kidato cha nne**.

10. Mwanafunzi aje na nakala ya **Cheti cha kuzaliwa** (Birth Certificate).

11. Mwanafunzi aje na kadi ya **bima ya afya**.

12. Tafadhali soma kwa makini maelezo/ maagizo haya na kuyatekeleza kikamilifu.

KARIBU SANA MSALATO SEKONDARI



NEEMA MARO
MKUU WA SHULE

HEADMISTRESS
MSALATO SECONDARY SCHOOL
P.O. Box 933
DODOMA

OFISI YA RAIS



TAWALA ZA MIKOA NA SERIKALI ZA MITAA
HALMASHAURI YA JIJI LA DODOMA
SHULE YA SEKONDARI YA MSALATO
S.L.P. 933: SIMU 026 - 230 2666 DODOMA



SHERIA ZA SHULE

UTANGULIZI

Shule ni mahali pa kuwalea na kuwakuza watoto katika mazingira ya kitanzania ili wanapohitimu masomo yao wawe raia na watumishi bora; walio tayari kujitegemea. Sheria zifuatazo ni lazima zizingatiwe na kufuatwa ili kutekeleza azma hiyo:-

A: MASOMO

1. Inamlazimu kila mwanafunzi kuhudhuria vipindi vyote vya masomo; kufanya majaribio, mazoezi, Mitihani na shughuli zote za nje ya darasa kwa wakati uliopangwa na kuwasilisha kunakotakiwa kwa wakati bila visiongizio. ***Ifahamike pia kuwa shughuli yeyote nje ya darasa ni sehemu ya malezi ya mtoto yenye lengo la kuboresha taaluma yake.*** Shughuli hizo ni kama miradi ya uzalishaji mali, usafi, mchaka-mchaka, michezo, gwaride, na shughuli nyingine za mikono na ukakamavu.
2. Ni marufuku kupiga kelele, kuzagaazagaa, kuandika barua/nyimbo, kusikiliza muziki/ starehe nyingine, kuandika ubaoni, kutoka nje ya darasa/bweni na kufanya jambo lolote tofauti na tukio husika nje ya utaratibu wa Shule.
3. Mwanafunzi asiingie maabara, ofisi, chumba cha walimu, nyumbani kwa walimu/walezi wala sehemu yeyote bila ruhusa ya mwalimu. Sheria na taratibu za maabara na maktaba ya shule zizingatiwe kikamilifu.

B: MAVAZI

Kila mwanafunzi atavaa vazi rasmi la shule wakati wowote wa masomo, maandalizi ya mchana, mikutano/tafrija muhimu ya shule, aendapo nje ya shule na pia asafiripo kwenda likizo na kurudi.

Ni marufuku mwanafunzi kuvaa nguo, mavazi na mrembo mengine ya nyumbani, kunyoa kipara, kusuka au kufuga nywele, kutumia madawa au kupaka rangi nywele/midomo. Pia mwanafunzi hatakiwi kuvaa heleni, bangili, pete, mikufu, rozari/tasbihi, hirizi, mikanda na mapambo ya aina yoyote ile akiwa amevaa mavazi ya shule awapo ndani ya shule.

C: RUHUSA

Mipaka ya shule kwa wanafunzi ni maeneo yao ya madarasa/vyumba vya kusomea, mabwenini, viwanja vya michezo na maeneo ya usafi.

1. Ni marufuku mwanafunzi kutoka nje ya mipaka ya shule bila ruhusa ya uongozi wa shule bila kibali hujisababishia kosa kubwa la utoro.
2. Mwanafunzi haruhusiwi kwenda ofisini au kwenye nyumba za walimu na watumishi wengine isipokuwa patokeapo dharura. Hata hivyo, mwanafunzi ataeleza shida au tatizo mlangoni na kugeuza mara moja. Iwapo mwanafunzi atalazimika kwenda nyumbani kwa mwalimu/watumishi kwa masuala ya kawaida, lazima apate kibali kutoka kwa mwalimu wa zamu; ambaye yeye mwenyewe, *haruhusiwi kumtuma mwanafunzi kwenda nyumbani kwake.*

3. Ni marufuku mwanafunzi kutoka nje ya shule bila kibali cha mwalimu wa malezi endapo ni ruhusa ya kawaida. Kwa wagonjwa, sharti matroni aidhinisha kwanza. Pia ieleweke kuwa ni kosa kubwa mwanafunzi kutoripoti na kurudisha kibali kwa mwalimu wa zamu arejeapo baada ya kuruhusiwa.
4. Wanafunzi hawatapewa ruhusa kwenda benki, posta, vituo vya mabasi, stesheni au kwa ndugu mjini kufuatilia nauli, vifurushi, mzigo n.k. Wazazi watumie vema huduma za posta au wafike wenyewe shuleni kutoa huduma hizo.
5. Ni marufuku mwanafunzi kulala nje ya shule, kuhudhuria sherehe zozote zile. Kibali cha kulala nje kitatolewa na Mkuu/Kaimu wa Shule endapo mwanafunzi atafiwa na mama, baba mzazi, mlezi pekee, dada au kaka wa tumbo moja. Sherehe na tafrija zitakazohitaji kuwapo mwanafunzi nyumbani zinfanyike nyakati za likizo yao.
6. Mara moja moja, Mkuu wa Shule atatoa ruhusa kwa wanafunzi kwenda mjini kwa awamu kubadilisha mazingira. Endapo masharti ya ruhusa hatayazingatiwa, Mkuu wa Shule anaweza kuondoa fursa hiyo kwa wahusika au kwa wanafunzi wote kwa muda usiojulikana.

D: CHAKULA

1. Sharti chakula kiliwe *bwaloni kwa wakati* uliopangwa. Ni marufuku kutoa chakula nje ya bwalo, kukipeleka mabwenini au darasani.
2. Ni marufuku kubebeana vyakula. Wagonjwa walale Zahanati ili walioruhusiwa kuwahudumua wawapelekee chakula huko.
3. Ni marufuku wanafunzi kuletewa au kuleta chakula shuleni mbali na kinachopatikana hapa shuleni. Kufanya hivyo kutasababisha wahusika kuchukuliwa hatua za kinidhamu.
4. Ni marufuku kutupa ovyo mabaki ya vyakula, soda, pamoja na taka nyinginezo. Mapipa na mashimo ya taka yatumike kwa kazi hiyo.

E: AFYA

1. Kila mwanafunzi anayejiunga na shule hii apimwe na Daktari wa Wilaya/Mkoa/Rufaa kuthibitisha kwamba afya yake inamruhusu kuendelea na masomo. Pia wanafunzi wote watapimwa afya zao na matroni wa shule wakati wowote shule inapooa inafaa. Ni muhimu pia wanafunzi wapate vipimo na matibabu kikamilifu kabla ya kurejea shuleni pindi wanapokuwa likizo.
2. Mwanafunzi aliye na matatizo sugu kama sicle cell, moyo, kifua, macho n.k. aje na vyeti vyenye maelezo kamili ya daktari akionesha tiba sahihi ya mtoto huyo, pamoja na dawa za akiba kwa ajili ya tahadhali. Mwanafunzi wa aina hii atoe taarifa hii kwa matron, mwalimu wake wa bweni/darasa mara tu anapowasili shuleni. Ni marufuku kujitunzia dawa mwenyewe bila idhini ya daktari au matroni wa shule.
3. Ni wajibu wa mwanafunzi anayeumwa kutoa taarifa kwa matron mwalimu wa zamu mara moja. Ni marufuku kuchelewesha kutoa taarifa za ugonjwa kwa vigezo vya kuombewa na kukemea mapepo. Atakayegundulika akishiriki tabia hii atachukuliwa hatua kali sana ya kinidhamu ikiwa ni pamoja na kurejeshwa nyumbani kumleta mzazi/mlezi au kufukuzwa shule kwa kosa la kuhatarisha maisha yake.
4. Mwanafunzi anayeumwa atapata huduma ya kwanza katika zahanati ya shule. Ikishindikana ataagizwa kwenda hospitali ya Mkoa ya Dodoma au ya Mileme kwa vipimo au matibabu zaidi. Iwapo mwanafunzi atazidiwa wazazi wake wataarifiwa na **Mkuu wa Shule**. *Taarifa yoyote itakayomfikia mzazi kwa njia tofauti; ni batili na mhusika atawajibishwa kikamilifu.* Ni marufuku mwanafunzi kujichagulia/kukataa matibabu sahihi aliyoshauriwa na dakatari au matroni.
5. Ni makosa mwanafunzi mgonjwa kulala bwenini. Wagonjwa wote walale zahanati ya shule kwa kibali cha matroni au mwalimu wa zamu. Pia, muda wa matibabu katika zahanati ya shule uzingatiwe kikamilifu.

F: UTUNZAJI WA MALI

Ni marufuku kwa mwanafunzi kumiliki vitu vya hatari/kifahali kama; majiko/heaters, simu,pasi ya umeme, radio, tv, deck, mavazi ya nyumbani, dhahabu na vitu vingine vya thamani, kamera, kompyuta, na vinginevyo. Vitu kama hivi huleta ubaguzi miongoni mwa walio na wasio navyo na pia huwa ni vivutio kwa wadokozi. Atakayetuhumiwa au kukamatwa navyo ataadhibiwa vikali, atanyang'anywa na vitu hivyo vitakuwa mali ya shule.

1. Yampasa kila mwanafunzi atunze na kuhifadhi vizuri mali zake na mali za shule. Vifaa virudishwe mahali pake kila baada ya kazi kumalizika. Hairuhusiwi kuhamisha kifaa toka sehemu yake. Ni lazima mwanafunzi kutoa taarifa ya uharibifu au upotevu wa kifaa chochote kwa viranja. Nao viranja wafikishe taarifa hizo kwa walimu wao walezi.
2. Wakati wote kila mwanafunzi ahakikishe kuwa anazima taa na kufunga bomba za maji kuepuka upotevu wa nishati bure. Atakayekiuka utaratibu huu atatozwa faini ya **pesa** kufidia upotevu.

H: WAGENI

1. Mwanafunzi haruhusiwi kuonana na wageni. Wageni wote wanaofika shuleni ni wageni wa Mkuu wa Shule.
2. Mgeni afikapo shuleni ataelekezwa, kupokelewa na kuhudumiwa na mwalimu wa zamu kwa niaba ya Mkuu wa Shule.
3. Mgeni ataonesha kitambulisho chake na ataweka saini katika kitabu cha wageni wa wanafunzi. Ataeleza shida na kutoa maelezo yake kwa maandishi ambayo mwalimu wa zamu atamfikishia mwanafunzi hapo baadaye. **Ni kosa kwa mwanafunzi kutotoa taarifa kwa jamaa zake juu ya sheria hii ya wageni.**

I: UTOAJI HABARI

Ni kosa kubwa kupeleka taarifa, maelezo habari au barua yoyote ile kwenye vyombo vya habari bila kupitia kwa Mkuu wa Shule. Mwanafunzi haruhusiwi kupiga au kupigiwa simu. Ofisi inapokea taarifa za dharura za mwanafunzi na kumpatia haraka iwezekanavyo. Simu ya Ofisi ya Mkuu wa Shule ni **0685516117**.

J: TAFRIJA/ SHEREHE

Sherehe au tafrija binafsi kama za kuzaliwa, somo wa jina, kuhitimu n.k ni marufuku hapa shuleni.

K: KUHESHIMU, UTII NA ADABU

Heshima, utii na adabu ndio kielelezo cha utu wa binadamu. Ni kipimo cha kiwango cha malezi sahihi aliyopata binadamu katika makazi yake tangu utotoni. Lugha kauli na matendo ya mwanafunzi yawe yale yanayokubalika mahali popote na asilimia kubwa ya jamii na yawe yenye kuenenda na kulinda utamaduni na maadili ya Mtanzania/Mwafrika kwa ujumla. Kwa kuzingatia vema masuala ya heshima, utii na adabu ili kuepuka kujiweka matatani, kama ifuatavyo:-

1. Yampasa kila mwanafunzi kuwaheshimu viranja, walimu/walezi, wageni, wenzake na wananchi kwa ujumla. Pia, aheshimu utaratibu wa sheria zote za shule na sheria za nchi hii hususani; katiba, bendera, fedha, wimbo wa taifa/shule, nembo na picha za viongozi mbalimbali. Ni wajibu wa kila mwanafunzi kusimama na kusalimia mwalimu au anayemzidi umri na kupokea mzigo mahali popote. Aidha mwanafunzi akiitwa afike haraka na pindi anapotumwa ni lazima arudishe jibu au taarifa baada ya utekelezaji wa alichotumwa.

Wanafunzi washirikiane pamoja katika kila hali ili kujenga umoja na upendo miongoni mwao bila kujali dosari au tofauti.

2. Ni marufuku na ni kosa kubwa mwanafunzi kuendekeza na kujenga mahusiano binafsi kati yake na mwalimu, watumishi wengine au wana familia zao.
3. Matatizo yoyote yanayohusu wanafunzi lazima yapitie ngazi zilizowekwa kuanzia viranja, walimu walezi, waandamizi na hatimaye Mkuu wa Shule. Wanafunzi wasijitwalie madaraka na mamlaka kwa kuruka ngazi na kwenda moja kwa moja ngazi za juu.

OR – TAMISEMI
JIJI LA DODOMA

SHULE YA SEKONDARI MSALATO
FOMU YA KUKUBALI SHULE

A. SEHEMU YA MWANAFUNZI

1. Mimi (Majina kamili)
Nimekubali kuingia kidato cha katika Shule ya Sekondari Msalato Dodoma
kuanzia tarehe hadi nitakapomaliza kidato cha
2. Naahidi kwamba nitatii sheria za Shule na kushiriki katika shughuli zote za shule kikamilifu
kulingana na ratiba.
3. Tarehe ya kuzaliwa.....Kijiji.....
Tarafa..... Wilaya
- Shule unakotokaNamba yako ya mtihani.....
4. Kituo cha gari (Bus) au Gari la Moshi kilichopo karibu na nyumbani kwako.....
5. Nikimaliza kusoma shule ningependa kufanya kazi ifuatayo

Saini ya mwanafunzi Tarehe

B. SEHEMU YA MZAZI AU MLEZI

1. Mimi (majina kamili) simu.....
ninakubali mtoto wangu asome katika Shule ya Sekondari ya Wasichana Msalato kuanzia
kidato chahadi atakapomaliza kidato cha
2. Jina kamili la Mama
Kazi ya BabaSimu.....
3. Kazi ya Mama Simu.....
4. Anwani ya Mzazi/Mlezi
-
-
5. Wafuatao ni Ndugu zake ninaowatambua wanaweza kumsaidia wakati wa dharura

| Jina kamili | Mahusiano | Anakoishi | Simu yake |
|-------------|-----------|-----------|-----------|
| (i)..... | | | |
| (ii)..... | | | |
| (iii)..... | | | |
| (iv)..... | | | |

6. Dini ya Mtoto ni: Mkristo/Muislam (**kata lisilohusika**)

7. Ripoti zote za maendeleo ya mwanafunzi ziwe zinatumiwa kwa

.....
.....
.....

Saini ya Mzazi/Mlezi..... Tarehe

**MSALATO SECONDARY SCHOOL
FORM FOR STUDENTS MEDICAL EXAMINATION**

To be completed by a Medical Officer

.....(Insert name of **the** Government Medical Institution)

Name of Student Form Year.....

Age Sex.....

Blood count

Stool

Urine

T. B. Test

Eyes

Ears

Chest

Spleen

Abdomen

Teeth

Additional information:- (*e.g. pregnancy, physical defects, infections, psychological disorder, chronic or family diseases*).

.....
.....
.....

I certify that above pupil is fit to continue with studies in Secondary School for four years.

Name of Medical OfficerSignature

Designation

Station & Official Stamp..... Date

Sharti mtoto apimwe kikamilifu kabla ya daktari kujaza fomu hii. Ikigundulika kuwa daktari alijaza fomu hii bila vipimo kufanyika, wahusika watachukuliwa hatu za kisheria na za ukiukaji wa haki za binadamu.